

ISƏTƏLASI TƏM TAKƏLAYA Kütübtü

Tə naaki takəlaya kanə ka taa sı, Pəesi wulav səsə Silusi hawa Yuta nyəma ke nəğə sı, pá məli pa tē Yosalem. Ye pa məlaa ilə pa tayanı ηmav ke İso təsele. Ama Yuta nyəma kolontunaa laηa ta həena İso təsele n̄té tə tayanuyü.

Takəlaya kanə ka taa seγesuyü səsəwü leηkū n̄té sı, İso yəlaa í layası layasuyü maγamaγa. İlena pá kaası na pá tó t̄ntē k̄p̄ante.

İsəna pa faya Isətəlası takəlaya tə:

Yuta nyəma məlvüγü kancaalaya nyəm, titite 1-2

İso təsele tayanuyü na tə t̄lvüγü, titite 3-6

Isətəlası na Yuta nyəma lelaa pa məlvüγü, titite 7-10

Wulav Silusi ha nəğə sı pá tayanı ηmáv ke İso təsele

¹ M̄p̄óγú Tacaa t̄v̄ í taa sı í yoosiγi t̄m̄ n̄ti í ka yəγətəna İso k̄ȳəγət̄t̄v̄ teləsəlv̄ Selemii nəğə təğə Pəesi wulav səsə Silusi kawulaya p̄ənaγa kancaalaya nyəηka taa. İlena İso t̄v̄ Silusi taa sı í k̄paalı í kawulaya taa na pá ηmaa takəlası taa sı, ² Pəesi wulav Silusi yəγət̄aa sı: İsət̄aa İso Tacaa t̄v̄na ma niη taa ké antulinya t̄əna kawulası, na í t̄v̄-m̄ sı má tayanı ηmav ke í təsele ke Yuta t̄et̄v̄ taa ké Yosalem. ³ Mə taa m̄pa pa k̄ena í yəlaa taa lelaa? İso í w̄eē p̄̄nt̄v̄naa waalı na pá polo Yosalem ke Yuta na pá ηmá Tacaa İseγeli İso ké t̄əγaya. İso m̄n̄ í w̄enna Yosalem. ⁴ Timpi timpi İseγeli nyəma w̄eē t̄ə, pá nyəma í ha-w̄eγe liγitee

na wula na wontu lentı na təla, na luyı kolumuyı kucəwə na pə pona Yosalem na pə tayanəna İso təseelə ke ηmau.

⁵ Məpəyü Yuta na Pencaməe pə ləlvə nyəwə nyəma, na kətəlaa na Lefi nyəma, na pa tənə mpa pa taa Tacaa İso ka towa sı pə polo Yosalem tə pa suu pa təyi tayanuyı sı pa təkı. ⁶ İlena pa cələ nyəma ha-wəyge nyəğəlvı kupaŋku na wula pə wontu, na wontu kupantu lentı na təla. İso təseelə nyəntu nti paa hana luyı kolumuyı tə tə paasi.

⁷ Məpəyü wulav səso Silusi kota Tacaa kətaya wontu na í mələna Yosalem. Nepukanəsaa ka kuuna-təyi İso təseelə na í sı-təyi ı maɣamaɣa ı tıyı kutuluyı taa. ⁸ İlena wulav heeli kpancoou təwə nyənıv Mıtəletatı sı: Cəla wontu ntəyi Yuta nyuyı tı Səesepasaa. ⁹ Wontunaa mpa ı cəla-ı təyələ wula pələntənəa hiu na naanowa na liyitee nyəğəlvı nyəma ke iyaya (1000), na səesı ke pəyələyafəi hiu na naanowa. ¹⁰ Na wula cəmsənəa ke hiu na naanowa, na liyitee nyəğəlvı tıy nyəŋku cəmsənəa ke nasələ na naanowa (410), na wontu lentı ke iyaya (1000). ¹¹ Pə kpeŋta wula na liyitee nyəğəlvı pə wontu ke iyisi kakpası na nasələ (5400). Məpəyü Səesepasaa na lələa pa kpaɣa wontu nti na pə məli Yosalem.

2

İseyeli nyəma mpa pa luna Papiloni tə pa həla

¹ Yuta tətı həyəlvy nyəma mpa wulav Nepukanəsaa ka kuuwa tə pa həla ntə. Pa taa pəyələ mələna Yosalem na Yuta tətı taa, paa wei ké ı ıcatə taa. ² Mpa pa kpaɣa-wə na pə mələna təyələ Solopəreli, na Yesuwa, na Nehemiya, na Səlaya,

na Lelaya, na Motokayi, na Pilisaŋ, na Misipaa, na Pikifayi, na Lehum, na Paana. Iseyeli ləlvəŋ nyəma na pa yəlaa həla ntə.

³ Paləsi ləlvəŋ nyəma wə iyisi naale na nunəwa na nutoso na naanəwa na naale (2172).

⁴ Sefatiya nyəma ke ηmənəŋ na nunəwa na nutoso na naanəwa na naale (372).

⁵ Ala nyəma ke nasətoso na nunəwa na nutoso na naanəwa na kakpası (775).

⁶ Pahatı-Mowapə nyəma ke iyisi naale na nunaasa na naanəwa na naale (2812). Yesuwa na Yowapı pa ləlvəŋ nyəma nté.

⁷ Ilam nyəma ke iyaxa na ηmənəŋ na nule na naanəwa na liyiti (1254).

⁸ Satu nyəma ke nasənaasa na nunəwa na nule na kakpası (945).

⁹ Sakayi nyəma ke nasətoso na nunəwa na nutoso (760).

¹⁰ Pani nyəma ke nasətoso na nule na naale (642).

¹¹ Pepayi nyəma ke nasətoso na hiu na tooso (623).

¹² Asəkati nyəma ke iyaxa na ηmənəŋ na hiu na naale (1222).

¹³ Atonikam nyəma ke iyaxa na nutoso na naatoso (666).

¹⁴ Pikifayi nyəma ke iyisi naale na nule na naanəwa na naatoso (2056).

¹⁵ Ateŋ nyəma ke nasəle na nule na naanəwa na liyiti (454).

¹⁶ Ateə nyəma ke pələfəi nunəwa. Yehisikiya ləlvəŋ nyəma nté.

¹⁷ Pesayi nyəma ke ηmənəŋ na nunəwa na hiu na tooso (323).

- 18 Yola nyəma ke nunuwa na naanuwa na naale (112).
- 19 Hasum nyəma ke ηmunuyu na hiu na tooso (223).
- 20 Kipaa nyəma ke nunaasa na naanuwa na kakpası.
- 21 Pətəlehəm ıcate nyəma ke nunuwa na hiu na tooso (123).
- 22 Netofa ıcate nyəma ke nule na naanuwa na naatoso.
- 23 Anatəti ıcate nyəma ke pəlefəi nunuwa na hiu na naanuwa (128).
- 24 Asəmafəti ıcate nyəma ke nule na naale.
- 25 Kiliyatı-Yeyalim na Kefila na Peeləti pa acaləe nyəma ke nasətosso na nunuwa na nule na tooso (743).
- 26 Lama na Kəpa pa acaləe nyəma ke nasətosso na hiu na kəlvəm (621).
- 27 Mikiması nyəma ke nunuwa na hiu na naale (122).
- 28 Petəeli na Ayi pə nyəma ke ηmunuyu na hiu na tooso (223).
- 29 Nepo nyəma ke nule na naanuwa na naale.
- 30 Makpisi nyəma ke nunuwa na nule na naanuwa na naatoso (156).
- 31 İlam ləlv nyəma ke iyaga na ηmunuyu na nule na naanuwa na liyiti (1254).
- 32 Halim nyəma ke ηmunuyu nunuwa na hiu (320).
- 33 Loti na Hatiti na Ono pə nyəma ke nasətosso na nunuwa na hiu na kakpası (725).
- 34 Yeliko ıcate nyəma ke ηmunuyu na nunuwa na nule na kakpası (345).
- 35 Senaa ıcate nyəma ke iyisi tooso na nasətosso na hiu na naanuwa (3630).
- 36 Kətəlaa kpeka ntə. Yesuwa ləlvə nyəma Yetaya təesi nyəma wə nasənaasa na nunuwa na nutoso na

naanəwa na tooso (973).

³⁷ İmē ləlvəy nyəma ke iyəya na nule na naanəwa na naale (1052).

³⁸ Pasehuu nyəma ke iyəya na nasəle na nule na naatosompəyəlağa (1247).

³⁹ Halim ləlvəy nyəma ke iyəya na naanəwa na naatosompəyəlağa (1017).

⁴⁰ Lefii nyəma kpekə ntə. Hatafəya ləlvəy nyəma Yesuwa na Katəməyəli pələ pa nyəma wə nutoso na naanəwa na liyiti.

⁴¹ İso təsəele yonyoolaa ntə. Asafi ləlvəy nyəma wə pələfəi nunəwa na hiu na naanəwa (128).

⁴² İso təsəele nənəəsi tanlaa ntə. Salum, na Ateə, na Taləmən, na Akupi, na Hatita, na Səpayi, pa ləlvəy nyəma wə pəyəlağafəi nunəwa na nule (139).

⁴³ İso təsəele taa təma lataa səkpema ləlvəy nyəmə ntə Siha, na Hasufa, na Tapawəti, ⁴⁴ na Keləsi, na Siyaha, na Patən, ⁴⁵ na Lepana, na Hakapa, na Akupi, ⁴⁶ na Hakapı, na Samlayi, na Hanan, ⁴⁷ na Kiteli, na Kahaa, na Leyaya, ⁴⁸ na Lesən, na Nekota, na Kasam, ⁴⁹ na Usa, na Pəseyi, na Pəsayi, ⁵⁰ na Asəna, na Meunim, na Nefusim, ⁵¹ na Pakəpuki, na Hakufa, na Haluu, ⁵² na Pasiluti, na Mehita, na Haasa, ⁵³ na Paakəsi, na Sisela, na Tema, ⁵⁴ na Nesiya, na Hatifa.

⁵⁵ Saləmən təmlə lataa ləlvəy nyəma ntə Sotayi, na Sofeleti, na Peluta, ⁵⁶ na Yaala, na Taakən, na Kiteli, ⁵⁷ na Səfatiya, na Hatili, na Pəkəleti-Həsepəyim, na Ami.

⁵⁸ İso təsəele taa təmlə lataa səkpema na Saləmən təmlə lataa ləlvəy nyəma kpekəntə nymənyəy nunəwa na nunaasa na naanəwa na naale (392).

⁵⁹ Mpa pa luna Pəpiloni ke Teli-Mela, na Teli-Hası

na Kelupı, na Atan, na İmee tə pa ta pəsi na pá keesi teu ke pa lülə nyóma na pa cəsənaa təm si pá hül si pa ké İseyeli nyóma. ⁶⁰ Pa təna paa ké Telaya, na Topiya, na Nekota pa lülə nyóma ké. Paa we nasətoso na nule na naanəwa na naale (652).

⁶¹ Kətəlaa ləlaa ka we ké isu mpa pa ta pəsi na pá hül si pa ké İseyeli nyóma tə. Mreyele Hopaya na Hakəsı na Paasilayi. Mpi pə tə pa yaakaya kantəkaya nyəh ineyə mpv təyəle si İ kraya Kalaaı tı Paasilayi pəlaa taa ləlv. ⁶² Paa pəeka mpe unı pa həla ke kətəlaa nyəna taa ké pa ta na. Pə tə ké pa nyəna-weye asilima nyóma na pá kisinawe si pá taa la kətəlaa təmle. ⁶³ Mpyúyú kufənee mayamaya kisinawe si pá taa təyə İə kuhav, haləna kətəlv nəyəlv i mayası wala pee taka nna pa naakəna İə luyv nyəntv tə na í na na pəcó.

⁶⁴ İseyeli nyóma mpa pa luna Papiloni tə pa krenta iyisi nule na naale na nmunəyv nünəwa na nutoso (42360). ⁶⁵ Pa taa kaləna təmle nyóma apalaa na alaa mpa paa we iyisi naatosompəyəlaya na nmunəyv na nünəwa na hiu na naanəwa na naatosompəyəlaya (7337) tə. Pa taa ka we yonyoolaa apəlv nyóma na əlv nyóma ke nmunəyv (200). ⁶⁶ Na krayanəh ke nasətoso na nünəwa na hiu na naanəwa na naatoso (736), na krayanəh kərəsəh*fa* ke nmunəyv na nule na kakpası (245). ^a we həkv na həkv ké. İ ta ké krayanv, pəcə i ta ke krayaya. ⁶⁷ Yooyoonaa ke nələ na hiu na naanəwa na kakpası (435), na krayası ke iyisi naatoso na nasətoso na nünəwa na hiu (6720).

^a **2:66** krayanəh kərəsəh: Pa yoosa krayanv na krayaya na pə lül mpi təyə pa yaa mpv. İ

68 Waatu wei pa tala Yosalem timpi Isə təseəle wəe tə, ɪlena lələn nyəən nyəma lelaa ha kucəən na luyə kələmuyə sɪ pə ɪmana Isə təseəle ke tə lonte kəpənte taa. 69 Məpəyə pa hawa isəna pa pəsaa tə sɪ pə ɪmana Isə təseəle. ɪlena pə lu wola nyəətu iyisi nutoso na kələm (61000), na liyitee nyəətu kiloonaa iyisi naale na nasəle na nunəwa (2500). Na pə ha tətəyə kətəlaa capanaa nunəwa (100).

70 ɪlena kətəlaa na Lefi nyəma na mpa pa səhna Isə təma tə, na yonyoolaa na nənəəsɪ tanlaa na Isə təseəle taa təmlə lataa səkpema caya acaləe nna pa ha-wə tə a taa.

3

Yesuwa na Solopapəeli pa tayanəyi Isə sɛv

1 Məpəyə pə tala isətu naatosompəyələyə nyəh, ɪlena Isəyeli nyəma təna mpa paa məla acaləe taa tə pə koti nəyə kələmaya ke Yosalem. 2 ɪlena Yosataki pəyalə kətəlv Yesuwa, na ɪ tətənaa na kətəlaa lelaa, na Selatəyeli pəyalə Solopapəeli, na ɪ lələyə nyəma pa niki Isə kətəyə təlate ke ɪmav sɪ pa lakɪ kətəsɪ nsi kəkə lusa sɪ təna tə, isu pa kəsəyə Isə yulə Moisi kiinj taa tə. 3 Paa na pa cələ piitimnaa caakaya-wəyɛ nyaasuyə tə, pa ɪmawa kətəyə təlate ke tə lonte taa na pə lakɪ Taca ke kətəsɪ nsi kəkə lusa sɪ təna təyə tə tə ke tanəh na taanaya. 4 Pə waalı kə pa təyə coka acima isu paa kəsəyə tə na pə lakɪ kətəyə ɪka kəkə lusa ka təna təyə təm isəna paa suwa paa kuyaku ɪku tə. 5 Pə kpayav waatu ɪnɪ təyə paa suv paa kuyaku ɪku kə kətəsɪ lapv ke tam, na nsi pa lakɪ paa isətu wei ɪ kancaalaya kuyaku tə, na Taca acima kuyəɛh nyənsɪ, na luyə kələmuyə nyənsɪ. 6 Mpu pə yelina na pə caalı

kətasi nsi kəkə lusa si tənə təğə lapu ke Tacaa ke isətə naatosompəğələya nyəñ kuyaku kancaalaya nyəñku wule, na pá ta tu suta Isə təsele kofate kite.

⁷ Pəle pə waalı ké pa caa təmlə nyəma si pá saakəyi taası na pəe na pá feli-wə. İlena pá cəla Sitəñ na Tiii nyəma ke təğənaya na künənyəəm na nim si pəle pá tilina-wəye kpenkpelası kupañsi na tenku taa si pé tala Safañ. Pəesi wulav səsə Silusi hana-wəye pə mpaav. ⁸ Məpəyú pa məla Yosalem taa, na pənaya naale nyəñka isətə naale nyəñ siki. İlena Selatəyeli pəyalu Solopəreli, na Yosataki pəyalu Yesuwa, na i tətənaa kətəlaa ləlaa, na Lefii nyəma mpa pa luna Papiloni tə, pa niki təmlə na pá ləsi Lefii nyəma mpa pa tala isu pusi hiu na waalı tə si pá paasəna Isə təsele ηma. ⁹ Məpəyú Lefii tu Yesuwa na i pəyalaa na i tətənaa, na Hotafiya ləlvəy tu Katəməyeli na i pəyalaa pa kpenta nəğə na pá mu Isə təsele təmlə lataa paasənav. Na Henatati ləlvəy nyəma Lefii nyəma sənə-wə.

¹⁰ Waatu wei Isə təsele ηmalaa su kite, İlena pá kəna kətəlaa na pá suu pa kətaya wontu na Lefii nyəma mpa pa ké Asafi ləlvəy nyəma tə na akantee na cəməñ na pá sañ Tacaa isu İseyeli wulav Tafiiti ka suw tə. ¹¹ İlena pá sañ Tacaa na pá puyələyi-i na pá yooki yontu na pá kaasəyi təma si: Tacaa wə teu, na i sələyü ke İseyeli fəi tənaya. Məpəyú samaa ná puyəla-i tətə na kawilitası səsənsi. Mpi tə, pa su pa Isə təsele kite.

¹² Məpəyú kətəlaa na Lefii nyəma payale na ləlvə nyəñ nyəma kəkpatəlaa mpa paa nyəma Isə təsele kəpəntə tə pa wiiwa təkpo ke saa wei pa tənəna kofate kite ke suw tə. Ama ləlaa ná wilitaya ké na lañhuləmlə

səsəəle. ¹³ Halı yulı u pəsəyi na í faya ləlaa laŋhulbmle na kawilitası na ləlaa wula. Mpi tə, pa makaya kapusi səsəənsı kə na pə nuki pooluŋ.

4

Yuta nyəma kolontunaa səŋsa Iso təsele ηmav

¹ Mpyəy Iseyeli nyəma kolontunaa nuwa sı, Yuta na Pəncaməe pə nyəma kəmna Papiloni, na pá ηmaaki timpi paa sɛɛ Tacaa Iso tə. ² İlena pá polo na pá maɣana Solopareeli na lɔlɔŋ nyəəŋ nyəma na pá tə-wɛ sı: Tá luɣu wɛɛ sı tə səna-mɛɣɛ Iso təsele íté tə ηmav. Ta maɣamaɣa tə seəkaya Iso kulbm inəyi na tə lakı-ı kətası ke hatoo kuyanŋku Asilii wulav Asalatəŋ kəna-tuyv çəne tə.

³ Ama Solopareeli na Yesuwa na Iseyeli lɔlɔŋ nyəəŋ nyəma ləlaa pa çəwa sı: Pə ta muna sı í səna-tu na tə ηma tá Iso ke təsele. Ta tike tu ηmana-ı. Mpi tə, pə kə tá Iso Tacaa təsele kə. Pɛɛsı wulav səsə Silusi maɣamaɣa ka sı mpyəy.

⁴ Mpyəy kolontunaa mpe pa maɣasaa sı pa nyaasəyi Yuta nyəma na pə yəəli pa apalıtı na pá yele Iso təsele ηmav. ⁵ Haləna pá ha wulav waalı nyəma ke liyitee sı pá wakəli Yuta nyəma təmlɛ ke pə kraɣav Pɛɛsı wulav Silusi pəəle haləna pə tala Taliyusi waatı.

Pa kula Yuta nyəma waalı ke wulav Atakəsɛsɛɛ kiŋ

⁶ Mpyəy Yuta nyəma kolontunaa ηmaa Atakəsɛsɛɛ ke takəlaya ke ı kawulaya kancaalaya waatı na pá suu Yosalem na Yuta tetı nyəma ke təm.

⁷ İlena Piselam, na Mitəletati, na Tapeyeı, na pa taapalaa pá ηmaa wulav Atakəsɛsɛɛ tətə na Alaamee təm taa na tə ηmaatı pee.

⁸ Mıpyó həyólvyu ηku ku kufənee Lehum na ι takəlası ηmaalv Simesayi pa ηmaawa wulav Atakəseseε tətəyó Yosalem təm sı:

⁹ Taya həyólvyu kufənee Lehum na ι waadı tv Simesayi, na tá taapalaa mpa ta tə wε Tıη, na Afasataki, na Taapeli na Afalası, na İleki, na Papiloni, na Susi, na Teha, na İlam pə həyóləη taa tə. ¹⁰ Na yəlaa lelaa mpa Asilii wulav səsə lelv Asənarəaa ka kpaγaa na í sı Samalii acalε taa na İfəlatı pəyó tətəv kəkəsətəv nti tə wena ilim tətəle həyólvyu təə tə na lentənaa tə.

¹¹ Pa takələya ηke ka taa təm nté sı: Tacaa wulav Atakəseseε, taya nyá təmle nyəma mpa pa wena İfəlatı pəyó kütəη na cənε təə tə.

¹² Ta heeliyina-η sı Yuta nyəma mpa pa lu nyá tε tə pa tala Yosalem cənε na pa taa wεε sı pa tayənəyi yəlaa asayaa na təə kullaa icatε ntεyε ηmaυ. Halı pa tεma kolunə kite ke tayənəyv na pá ηmaaki. ¹³ Tacaa, nyı teu sı ye yəlaa panε pa ηmá pa icatε na tə koloosi, icatε nyəma kaa tasa lampuunaa fəlvyu na liyitee kaa wεε kawulaya kpancoou taa. ¹⁴ Pə təə ké ta mpa tə lapa nyuleleη na tə ké nyá təmle nyəma tə, ye tə nyənəyi isəna paa tıyuna-η tə pə wuki-tv. İle tə mayasəyi ké sı ¹⁵ η pεeki nyá caanaa takəlası kəpəηsı taa, n ká mayana sı icatε tənε tə yəlaa ké asayaa ké. Tuu tə tə yəlaa ta hεεsı wulav səsə na həyólvyu kufənee ke wakəlvyu, na tə yəlaa kuləyi tεma təə ké tam ké. Pə mayamaya pə təə ké tə yəkaa. ¹⁶ Tacaa, tə kpaaləyi-η sı, ye icatε tənε na tə koloosi pə ηmawa, n kaa pəsi İfəlatı pəyó həyólvyu kənε.

Wulav Atakəseseε kvcəcətv

¹⁷ Wulav səsə ηmaaWa kufənεε Lehum na ι takəlası ηmaalv Simesayi na pa taapalaa mpa pa sı Samalii na İfəlatı pəγə kətəη tətə taa tə sı: Ma nyəma me, ma sεε-me.

¹⁸ Takəlaya ηka ι ηmaa-m tə pa teləsa-ke na pa kala-m. ¹⁹ Ma yelaa na pa pεeki ıcatε nte tə təm na pά nά tampana sı hatoo tə, Yosalem ıcatε nyəma kuləyi awulaa təw kέ tam kέ. ²⁰ Pə kaasa ıcatε nte tə, awulaa napəli pa təkayana kawulaya na pά ηmakələyi həγəlvγv ηkv kv nyəma, na pά mvyi-wεγε lampuunaa na pά fəlvγi-wε na pəcó pά svvki pa tətə taa. ²¹ Mpu tə, í heeli Yuta nyəma sı pά səη na má hawa nəγə vε pəcó paa ηmá. ²² İ paasəna teu yoo, í taa too təm ntı tə təw. Pə taa kəw na pə tasa-tvγv wakəlvγv tətə.

²³ Too sıu Lehum na ι takəlası ηmaalv Simesayi na pa taapalaa pa kalvγv wulav takəlaya tə, pu lakı-wεγε ləη. Tənaγa pa pola kpakpaa na pά cáalı Yuta nyəma na təm ntı tə təη sı pά yele ηmav.

Pa tayanəyi İə təsele ke ηmav

²⁴ Mıpύγ Yosalem İə təsele ηmav səηaa haləna pə tala Pεεı wulav Talıyusi kawulaya pənaya naale nyəηka.

5

¹ Mıpύγ kvγaku nakvli İə kvγəγətətə teləsəlv Asee na İtoo pəyalv İə kvγəγətətə teləsəlv Sakalı pa polaa na pά yəγətəna Yuta na Yosalem nyəma na İsevli İə nəγə. ² İlena Selatəyeli pəyalv Solopapεeli na Yosataki pəyalv Yesuwa pά niki İə təsele ηmav ke Yosalem, na İə kvγəγətətə teləsəlaa səna-wε.

³ Tənaçale İfəlatı pəçə həçələyüv küfənəe Tatənayi, na Seta-Posənayi, na pa taapalaa pa polaa na pə pəəsi Yuta nyəma si: Awe ha-meçe mpaav si í ημά İso təsele na koloosi? ⁴ Pə wee si í heeli-tuyv mpa mpa pa ηmaaki isəntə tə pa həla.

⁵ Ama İso we Yuta nyuyv nyəma waalı, ile pa ta pəsi pə səñsi pa təmlə, haləna pə heeli wulav Taliyusi ke pə təm na í cə-we.

Yuta nyəma kolontunaa kula pa waalı

⁶ Takəlaya ηka İfəlatı tetv küfənəe Tatənayi na Seta-Posənayi na ı taapalaa həçələyüv nyəñ nyəma pa ηmaa wulav səso Taliyusi təçələ ⁷ si:

Tacaa wulav səso Taliyusi, tə seə-η, nyana tetv.

⁸ Tə pola Yuta ke İso təsele təñmale na tə mayana pa təñna-teçe ηmaav na pəe küsaakee. Pa kama kpeñkpelası ke koloosi taa. Pa təmlə tewaya, na tə təñna lapv ke ləñləñ. ⁹ Mprüçü tə nawa nyuyv nyəma na tə pəəsi-weçe wei ı ha-weçe nəçə si pə ηma İso təsele na pə koloosi tə. ¹⁰ Halı tə pəosa-weçe mpa pa ké təmlə nyuyv nyəma tə pa həla si tə ηmaaki na tə kəna-η. ¹¹ İlena pə cə-tv si: Tə ké isətaa na ate pə İso təmlə nyəma ké. Tə kusəçi İso təsele nte İseçeli wulav səso nəçələ ı ka ηmawa ləñtaa təçə. ¹² Ama tá caanaa küsa isətaa İso pəáná na íle ı tu-tuyv Papiloni wulav Nepukanəsaa niñ taa na í wakəli İso təsele nte, na í kuu yələa na í tənə ı tē. ¹³ Pə waalı ké wulav Silusi ná ha nəçə ke íle ı kawulaya pənaçə kancaalaya nyəñka taa si tə tayanı-teçe ηmaav. ¹⁴ Nepukanəsaa ná kuu İso təsele nte tə taa wula na nyəçətv küpantv na pə wontu ké, na í pona Papiloni na í su ı tuyv kutuluyv taa. Ama wulav səso Silusi ná kpaçə-ti na í cəla Səsepasaa wei ı kpawa Yuta küfənəe tə. ¹⁵ Na

í heeli-ı sı: ı polo í ηma Iso təseəle nteγe tə lonte kəpənte taa. Uəna pá su wontu nteγi pə taa. ¹⁶ Mpu pə lapəna na Sesepasaa polo Yosalem na í taalı Iso təseəle kite. Pə kpayav waatv ını tə pa təmlə təηna pote ké. Ama pə ta tēnta. ¹⁷ Pənentə ta caa, yele na pá pəeki Papiloni kawulaya takəlası taa na té ná sı Silusi ha nəγə ke tampana sı pá ηma Yosalem Iso təseəle nte yaa isəna. Ye n tēma mpv, ıle n heeli-tvγv nti n maγasaa tə.

6

Wulav Taliyusi kvcəcətv

¹ Mpuγú wulav səsə Taliyusi tv yəlaa sı pá pəeki Papiloni ıcatə taa ké timpı pa sukı ləη takəlası na wontu kəpantv tə. ² Ama Metii həγəlvγv koləηa ıcatə İpatanı taa ké pa hii takəlaya nakəli na pá ηmaa ka taa sı:

³ Wulav Silusi ka kpaala ı kawulaya pənaγa kancaalaya nyəηka taa sı, paa tayanı Iso təseəle ηmav ke tə kite kəpənte təə ké Yosalem na pá lakı tə taa ké kətasi. Tə kəηkəlvbməη ká wəe məetələnaa hiu na naanəwa na tə wəη ke mpv tətə. ⁴ Paa ηma pəe kvsaakee ke cəesi tooso ké, na kpeηkpelası ke cəeγa. Kawulaya kpancoou liyitee ke paa lana. ⁵ Wəla na nyəγətv kəpantv wontu nti wulav Nepukanəsaa ka kpaγa Yosalem Iso təseəle taa na í pona Papiloni tə, paa məηna-tı na pá sı-təγi tə lona taa.

⁶ Mpuγule Taliyusi ηmaa takəlaya ke İfəlatı pəγə tetv nyγv tv Tatənayi na Seta-Posənayi na pa taapalaa həγəlvγv nyγv nyəma sı: ı yele təm nti. ⁷ Pə wəe sı pá yele Yuta nyəma ké təpamm na pá ηma Iso təseəle. Tetv tv na Yuta nyγv nyəma í səna

na pá ηma-tεγε tə lonte kúpənte taa. ⁸ Ma caa sı í səna-wεγε tə ηmav taa, na í feη na í ləsəyi kawulaya kpancoou taa lampuunaa mpa yəlaa fəlaa tə na í cələyi-wε, na təmle í taa səη. ⁹ İ paasəna teu na í cələyi Yosalem kətəlaa ke mpi pa nyuləyi tə, isu latəcenaa na iwaanη na iwεesi nsi pa lakəna kətasi ke isətəa Isə tə, na təyənaya na təm na nim. ¹⁰ Waatv inəyi paa pəsi na pá laki Isə ké kətasi nsi sı wε-i səsəη tə, na pá sələməna wulav səsə má na ma pəyalaa. ¹¹ Ye wei i ta təη ma təm tənε, maa yele na pá ləsi i təyaya tesika na pá siki na pá həkə-i ka nyuyv taa na pá pəsi i təyaya ke hute. ¹² Ye wulav nəyəl vaa piitim napəli pə caa pə yəki Isə təseele nté yaa pə kisi ma təm, Isə wei inu i wε Yosalem tə inu i ka həna pəntv ηkpanəyuv. Taliyusi má, ma suna mpv. İ təη tə təna tətetete.

¹³ Μρύγύ İfəlati pəyə tetv nyuyv tv Tatənayi na Seta-Posənayi na pa taapalaa pa təηa Taliyusi təm ntəyi teitei.

Isə təseele tvlyyv

¹⁴ Μρύγύ Isə kuyəyətətv teləsulv Asee, na İtoo pəyalv Isə kuyəyətətv teləsulv Sakalı pa tasa Yuta nyéma ke apalətv na pá teesi Isə təseele ηmav na alaafəya, isu İseyeli Isə ka suv na Peesi awulaa səsaa Silusi na Taliyusi na Atakəseseε paa yəyətuyv tə.

¹⁵ Μρύγύ pa teesa Isə təseele ηmav ke pa te isətv Ataa kuyεη tooso wule ke Taliyusi kawulaya pənaya naatosə nyəηka taa. ¹⁶ İlena Yuta nyéma təna, paa kətəlaa na Lefii nyéma leləa mpa pa luna Papiloni tə, pa təyə Isə təseele tvlyyv acima na lanəhuləmlε səsəle.

¹⁷ Na pá la Taca ke kətaya ke wule nteγε latəcenaa ninəwa (100), na iwaanη ke ηmənuyv (200), na iwεesi ke nasəle (400), na pəηtvlyv ke naanəwa na naale.

Paə İseyeli kpekəle nteye kuləmuyv, sı İso í husı pa təna pa isayətv. ¹⁸ Mıpúyú pa fəya kətəlaa na Lefii nyəma ke kpeka na pá keesəna pa təma ke İso təmlə taa ké Yosalem ke teitei isı pa keesuyv Moisi takəlaya taa tə.

Yuta nyəma təkı Tεεv acıma

¹⁹ Mıpúyú pa təna mpa pa luna Papiloni tə pa təyə Tεεv acıma ke pa pənəya naale nyəηka isətv kancaalaya nyəη taa. ²⁰ Na kətəlaa na Lefii nyəma pa krenti na pá la nyəəη tə əsilima keeluyv kətəya na pa təna pá wε tənəηη. İlena Lefii nyəma kv pa na kətəlaa na İseyeli nyəma pa təo ké Tεεv acıma iwεεsı isı pa tu lakı tə. ²¹ Mıpúyú mpa pa luna Papiloni tə, na mpa pa kisa cefelitu na pá krentəna pa tətənaa ke İseyeli İso sεεv taa tə pa təna pa təyə Tεεv acıma. ²² Pə waalı ké pa təyə kükəsum fεi kakalası acıma ke kuyεεη naatosompəyəlaya na lanhəlvmlε. Pa lanhəlvmlε nyuyv nté sı Tacaa ka lapa na wulav lanjle hεεna-wε. Mpv pə hana-wεyε apəlvtv na pá niki İso təsεεle ηmav.

7

Kətvlv Isətəlası təm

¹⁻⁶ Pεεsı wulav səsə Atakəsεsεε kawulaya waətv taa ké nəyəlv wei pa yaa sı Isətəlası tə ı luna Papiloni. İ ka ké Selaya pəyalv ké, ı ləlvuyv nyəma nté kətvlv səsə Aləη, na İlasaa, na Pənhası, na Apısuwa, na Puki, na Usı, na Selaya, na Melayətı, na Asaliya, na Amaləya, na Ahıtupı, na Satəkı, na Salum, na Hilikiya, na Asaliya. İsətəlası ka nyəmə takəlası kaluyv ké na í nyəmə İseyeli İso kiıη wei ilé ı ka hula Moisi tə. Tacaa ka lapaya na Isətəlası nyuyv kulı, na í sələma wulav ke

mpi ílé ı la-wı. ⁷ Waatu wei İseyeli yəlaa, na kətəlaa, na Lefii nyəma, na yonyoolaa, na İso təsele nənəəsi tanlaa, na pə təmlə nyəma səkpema məla Yosalem ke Atakəseseε kawulaya pənaya naatosompəyəlaya nyənkə taa ⁸ təyə İsatəlası tala Yosalem ke pa kiñ ke isətu kakpası nyəñ taa. ⁹ İso tu kancaalaya nyəñ kuyaku kancaalaya nyəñku ke ı ka sıwa sı ı ká kuli Papiloni. İlena İso kenti ı təə na í tala Yosalem ke isətu kakpası nyəñ kuyaku kancaalaya nyəñku. ¹⁰ İsatəlası ka seesa isəle na Tacaə təm kalvuy ké, na tə taa welisuyu, na í təkə-tı na í seyəseyi İseyeli nyəma ke İso kiñ na ı kəsəsutv.

Təma nna Atakəseseε tv İsatəlası tə

¹¹ Takəlaya nka wulav Atakəseseε nmaa kətulv İsatəlası wei ı ke Tacaə kiñ na ı kətututv pə tv təyəle sı:

¹² Məya əwulaa wulav Atakəseseε, má nmaana takəlaya kanəye isətəə İso kiñ nyəntv kətulv İsatəlası.

¹³ Ma caə sı pá yele ma tetv tənə İseyeli nyəma mpa pa səəla Yosalem pote tə na nyana-wε í tεε. Pə kpağav İso təmlə sənlaa na kətəlaa na Lefii nyəma tə. ¹⁴ Ma mayaməya na ma layatv tasəlaa naatosompəyəlaya tə tiliyina-ñ Yosalem ke Yuta tetv taa na nı ná isəna yəlaa paəsəyəna nyá İso wei ı kiñ n təkə nyá niñ taa tə ı təm tə. ¹⁵ Pəyele tu cəle-ñ wula na liyitee nna má na ma layatv tasəlaa tu ha İso wei ı təsele wε Yosalem taa tə. ¹⁶ Na nı krentəna tətəyə liyitee na wula wei Papiloni həyəlvuy nyəma caawa na nna İseyeli nyəma na kətəlaa na İso təmlə sənlaa hana luyv kvləmvuy sı pá təyanəna İso təsele tə. ¹⁷ Ye n tala tənə n ká yana latəcenaa, na ıwaan yaa ıwεεsı, na pə tənə mpi n ka lana hatəmutv kətəsı na svləm pə

nyənsı ke mə İso kətaya təlate təo kə Yosalem tə. ¹⁸ Pə waalı ilə nyana nyá taapalaa í ká lana liyitee na wula kukaasv ke isəna İso ká huli-me tə. ¹⁹ Uəna í su İso təsele taa kə İso nyənası nsi pa cəla-ŋ tə. ²⁰ Ye pə wəe sı í tasa pulpuyv yapv ke pə təm taa, ilə kawulaya krancoou taa kə n ká ləsi na í yana.

²¹ Mpyú wulav səsə Atakəseseə tasaa sı: Ma tuyi İfəlatı pəyo ilim tətule təo tətə krancoon nyəma təna sı ye isətaa İso kiin nyəntú kətulv İsatəlası í sələma mpi pá lapı-ı-wəyi teitei. ²² Pá cəla-ı liyitee nyəyətə ke tənənəa tooso, na təyənəya ke tənənəa iyisi hiu na naanəwa (30000), na suləm ke liitilinaa iyisi liyiti (4000), na nim ke liitilinaa ke iyisi liyiti (4000) tətə, na təm ke isəna pa səlāa tə. ²³ Paa la isv İso taa İso keesəy v təsele təm təyo teitei kə, pəcó pə taa kəə na İso mənə ma maɣaməya yaa ma luləy nyəma yaa ma tətə nyəma na pááná. ²⁴ Pəle pə paasi tə kpaaləyi krancoon nyəma təna sı pə fei sı pá mv lampuu ke kətəlaa yaa Lefii nyəma yaa yonyoolaa yaa İso təsele nənəəsı tanlaa yaa İso təsele təmle nyəma səkpəma taa nəyəlv.

²⁵ İsatəlası nyaa la isv İso wei v ləmayasəe n wəna tə, na í kpa mpa paa həkəna pəyo ilim tətule təo nyəma mpa pa təna pa nyəma nyá İso kiin tə, na mpa pele pa ta nyəmı-ı tə, í huli-wəyε-ı. ²⁶ Ama ye wei í kisa İso na wulav pa kiin ke təkəy pa hə v ŋkpaŋəy isv pə mənəa tə. Paa kəy, paa təyənəy, paa v wənəv ləkəy, yaa saləka təy.

Isətəlası sēv ke Iso

²⁷ Mpyú İsatəlası sēwa İso sı: Ma sē ta Səsə İso Tacaa ke timpi n təwa wulav səsə taa sı í kvsı Yosalem İso təsele nyəy tə. ²⁸ Tacaa n lapa-m kupantə ke

wulav na ı layatv tasəlaa na ı waalı nyəma səsaa pa ısentaa. Uəna nyá kentuyv mpi pə səəsi maya apalv, na má kpeyeli İseyeli nyuyv nyəma təna, na má na-we té polo Yosalem.

8

Isətəlası taapalaa

¹ Mıpyú Isətəlası yəğətta sı: Má na yəlaa mpa tə lu Papiloni na té polo Yosalem ke wulav səso Atakəseseə kawulaya waatv taa təyələ:

² Pənhası ləlvəy tv Keesəm, na Itamaa ləlvəy tv Taniyəli, na Tafiiti ləlvəy tv Hatusi,

³ na Sekaniya pəyalaa taa lelv na Paləki ləlvəy tv Sakalı na ilé ı ləlvəy taa yəlaa ke nunəwa na nule na naanəwa (150).

⁴ Na Pahatı-Mowarv ləlvəy tv Selaya pəyalv İlyohenayi na pə səəsəna yəlaa ɣmənuyv (200).

⁵ Na Satu ləlvəy tv Yasiyeli pəyalv Sekaniya na yəlaa ke ɣmənuyv nunəwa (300),

⁶ na Atinı ləlvəy tv Yonatan pəyalv İpeti na yəlaa ke nule na naanəwa,

⁷ na İlam ləlvəy tv Ataliya pəyalv Yesaya na yəlaa nutoso na naanəwa,

⁸ na Sefatiya ləlvəy tv Mikayeli pəyalv Sepatiya na yəlaa nunaasa,

⁹ na Yowarv ləlvəy tv Yehiyeli pəyalv Opatiya, na yəlaa ɣmənuyv na pələfəi hiu (218),

¹⁰ na Pani ləlvəy tv Yosifiya pəyalv Selomitı na yəlaa nunəwa na nutoso (160),

¹¹ na Pepayi kpekəle tv Pepayi pəyalv Sakalı na yəlaa pələfəi hiu na naanəwa,

¹² na Asəkətı ləlvəy tv Hakatan pəyalv Yohanan na yəlaa ke nunəwa na naanəwa (110),

13 na Atonikam ləlvə nyəma kantəkaya nyəma
 lileletı na Yehiyeli na Semaya na yəlaa nutoso,
 14 na Pikifayi ləlvə nyəma Utayi na Sakuu na yəlaa
 nutoso na naanwə.

Yosalem pote mpaav tayavuyv

15 Mprəyú Isətəlası tasaa sı: Ma kpeyela yəlaa
 tənaya ləv ηku ku tənəyənə Ahafa tə ku nəyə na tə
 siki tənaya kuyeyη tooso. Tənaya ma paasənəa sı
 sənlaa na kətəlaa paa wə pə taa. Ama Lefii tı nəyəl
 ı fei. 16 Ntəna má tı təmle ke nyuvv nyəma lliyeseə na
 Aləyeli na Semaya na lənataη na Yalipi na lənataη
 na Nataη na Sakalı na Mesulam na kiiu seysesəlaa
 naale, Yoyalipi na lənataη 17 na má heeli-wə sı: ı
 polo Kasifiya nyəma nyuvv tı lto tə na má keesi-
 meye nti í ká heeli í na ı taapalaa na lə təsele sənlaa
 mpa pa wə tənə tə. Ulena í kəna-tuyv tá lə təsele
 təmle lataa. 18 Mprəyú tá lə kenta tá tə na pá pəsi na
 pá kəna Malii na Lefii pa ləlvə tı Selepiya. Yakərv
 pəyalv kele, ı pəyalaa na ı newaa pa wə pələfei hiu.
 19 Ulena pá səəsi Melali ləlvə tı Hasapiya na Yesaya
 na ı newaa na pa pəyalaa, pa wə hiu. 20 Na pá kəna
 tətəyə yəlaa ηmənuyv na hiu (220) mpa pa ləsa lə
 təsele sənlaa səkpema taa tə. Mpe inəyi Tafiiti na ı
 taapalaa paa cəla Lefii nyəma.

21 Mprəyú ma təma sı tə həkə nəəsi ke tá tənaya
 Ahafa ləv nəyə tənə, na pá húlı sı tə pasa ta təyi ta lə
 isentaa, na ílé ı yele na tá na tá nyəma na tá wontu na
 tá mpaav la teu. 22 Pı wə-m fele sı má yəyətı wulav
 na í yele na yoolaa na kpaγanəη cayalaa sı-tuyv tá
 kolontunaa tə. Ama tə heela-ı təfoo sı tá lə kentiyi
 ı yəlaa tənə tə ké, na í muyv pááná na mpa pa ləkı-ı

tə. ²³ Mıpıyú tə həka nəəsı na tə sələmı İso sı í waası-tu na ílé í mu tá kusələmütü.

²⁴ Pə waalı ké ma kpaɣa kətəlaa səsaa taa ké naanüwa na naale, na pə səsəna Selepiya na Hasapiya na pa taapalaa ke naanüwa. ²⁵ İlena má mayası pa isentaa ke liyitee nyəğətu na wula na wontu kəpantu nti wulav səsə na í layatu tasəlaa na í waalı nyəma na tetü taa İseyeli nyəma ka hawa sı pá ηmana tá İso təsele tə. ²⁶ Na má cele-weɣe liyitee nyəğətu ke tənənəa hiu na tə wontu ke tənənəa tooso, na wula ke tənənəa tooso tətə, ²⁷ na wula cəmsənəa ke hiu, pa liyitee we isü wula nyəğətu iyaya, na nyəğəluɣu küseemüɣu həesi nsi sı tewa isü wula na sı müyi kəkə təɣə naale. ²⁸ Mıpıyú ma heela-we sı: Teitei isü mə keü İso təmlə lataa tə, mpü tətəɣə wontu tənə tə ké İso nyəntü. Liyitee na wulanəa pə ké luɣu külmüɣu kücəw ηku yəlaa lapa mə cəsənəa İso Tacaə təɣə. ²⁹ İ paasənəa kpancoou ηküɣu teu, halənə Yosalem. İ tala tənə ile í mayası-təyi kətəlaa səsaa na Lefii nyəma na lüluη nyəwəη nyəma pa isentaa ké İso təsele kutuluη leləη taa.

³⁰ Mıpıyú kətəlaa na Lefii nyəma pa paasənəa wula na liyitee nna pa mayasa mpü tə, na wontu kəpantu nti na pá pona-təyi Yosalem ke ta İso təsele taa.

Isətəlası-we pa tate ke Yosalem

³¹ Mıpıyú tə küla Ahafa ləw nəɣə ke isətu kancaalaya nyəη küyeη naanüwa na naale nyəηku wule na tə tee Yosalem. Tá İso ka we tá waalı ké tá mpaaw tənə taa ké na í təɣənəyi tá kolontunəa na ηmulaa mpa pa cəsəyi-tu tə. ³² Tə tala Yosalem ilena tə həesi küyeη tooso. ³³ İlena tə mayası liyitee nyəğətu na pə wontu kəpantu ke küyaku liyiti

nyəŋku wule ke tá Isə təsele taa na tə cəla Uliya pəyalv kətulv Meleməti wei na Penhası pəyalv Ulasaa paa wəe tə, na Lefii nyəma Yesuwa pəyalv Yosapatı na Pinuwi pəyalv Noyatiya. ³⁴ M'p'og'og' pa kala pə təna na pá mayası na pá ŋmaa.

³⁵ Pa təna mpa pa luna Papiloni tə mpe pa lapəna Isə ké kətasi na lseyeli nyəma təna həte taa ké latəcənəa naanəwa na naale na iwaan ke nunaasa na naanəwa na naatosə, na pá la kətasi nsi kəkə lusa sı təna təgə iwəesi nutosə na naanəwa na naatosompəgəlaya, na isayətv husəyv nyənsi ke pəŋtəlvŋ naanəwa na naale. Tacaa ke pa wəpa wontu nti tə təna. ³⁶ Pəle pə waalı ké pa kəesa nti wuləv təwa lfəlatı pəgə na ilim tətule tə tetv nyəəŋ nyəma tə. İlena pəle pá səna lseyeli nyəma ke Isə təsele ŋmav təm taa.

9

Yuta nyəma pəyalv kpağav ke kpaı alaa

¹ Pəle pə waalı ké nyəyv nyəma napəli pa kəma na pá heeli-m sı paa lseyeli nyəma yaa kətəlaa yaa Lefii nyəma, pa ta fayana tetv nyəma ma ta nyi isənəa, pa kəena acaalətv nti Kanaan nyəma na Hiti nyəma na Peliisi nyəma na Yəpusi nyəma na Amoni nyəma na Mowapv nyəma na İcipiti nyəma na Amolii nyəma pa lakı təgə. ² lseyeli nyəma na pa piya pa kpağa piitimnaa mpe pa taa ké alaa ké, haləna pana kpaı nyəma mpe pa piitim siti. Pə tağa nyəyv nyəma na səsaa mpe pa caaləna kutakəesətv ntəyi lapv.

³ Waatv wei ma nu təm nti, iləna ma lanle pəsi na má cəli ma kpaı na ma wontu, na má kpesi ma nyəəsi na ma tantəyv na ma təli taməğa ⁴ke mpv, haləna saa

wei pa lakı taanaya kətaya tə. M̄p̄ȳḡȳ İseyeli nyəma mpa pa təna pa nyanaya sı İso ká hə mpa pa luna Papiloni tə pa ηkpaηȳȳu ke pa isayatu tə tə, pa kəma na pá kotina-m.

Isətəlası sələmənaw ke asayaa

⁵ M̄p̄ȳḡȳ ma kula taanaya kətaya waatu na ma laηpəsəle n̄t̄é, na ma təə na ma wontu kucələtu nti, na má luη akula na má teye ma İso Tacaa ke niη ⁶ na ma sələmi-ti sı: Hai, ma İso, ma laηle wakəlaa ké, fəele u tisiyi sı má kvsı ma ise na má nyəni-η. Hai, tá isayatu kaa huγule ké na t̄é kaləsəna isətənȳȳu na t̄é liki-tu. ⁷ Too pə kpaγav tá caanaa pəəle taa na p̄é suna saηa tə tə lapa isayatu səsəəntu ké. Pə təə ké awulaa kpai nyəma ηmakəla tá na tá awulaa na tá kətəlaa na pá yoonə-tu na pá kuu tana tá wontu isu saηa pə wəv isəntə tə. ⁸ Ama nəənnə Tacaa tá İso nyá, nyá hula-tuȳu p̄eələ ke wəe naale na n̄ yele sı tá taa kukaasaa í məli na pá caya nyá tetu taa na n̄ cə-tuȳu tá yomle na tá isəntaa h̄eti na tə feesi təfuu. ⁹ Tampana təə, tu ké yomaa ké, ile tá İso nyá, n ta lə-tu. Nyá yelina na P̄eəsi awulaa səsaa na tá p̄ət̄əət̄əle na pá yele sı t̄é məli tá wule taa, na t̄é kvsı nyá t̄eəeələ ncaale na t̄é wəena t̄eəəsəle kupante ke Yosalem na Yuta taa.

¹⁰ Təv, tá İso, wentiyi tu tasa yəγətuȳu ke tənə tə təə? Tə taa t̄əki nyá kvsəsutu ¹¹ nti n teləsə-tu na nyá kvyəγətutu teləsəlaa nəγə tə. Halı n ka kpaala-tu sı tetu nti tə taa tə puki mp̄u tə tə ké asilima ké. Tə yəlaa ké acaaləη ké, ilena pá suuli-təyi acaalətu. ¹² P̄əc̄ t̄ə taa ha tá p̄eəlaa ke tetu nti tə yəlaa piya yaa t̄é caa pa p̄eəlaa ke tá p̄əyalaa. P̄əyele t̄é taa p̄eeki pa alaafəya yaa isəna pu cayanə-wə tə. Waatu inəyi tu p̄əsi yəlaa tonjtunaa, na tetu tənə tə nyəma p̄əsi

tá na tá piya tá nyəm. ¹³ Hai, Tacaá, tá yaasi isayav na tá kawalaya səsaya kənnə-tuyv wahala inε, paá na mpv n ta kəsəna tá isayav na n feli-tv. Halı taya n kaasaa na n mələna-tuyv cənε. ¹⁴ İle isənaya tu tayanı kisuyu ke nyá kəsəsutv na tá na acaaləj piitim mpi té kprakəyi təma? Ye tə lapa mpv, n kaá mv pááná na n kpiisi-tv? ¹⁵ Saŋa isəntə, kəpantv səsəəntv ke n lapa-tv, na n yele sı tá taa kukaasaa í wεena weesinj. Tə səhna nteyε nyá isəntaa na tá isayav, pəcə pə fei sı n yele yulv ke mpv na i weesuyu.

10

Yuta nyəma təyənvyv ke kpaí alaa

¹ Waatv wei Isətəlası ná luŋa İso təsεεε isəntaa na í sələməyi na í wiikina İso sı í waası-wε, iləna İseyeli nyəma tuutuuma, apalaa na alaa na piya pá kotina-ı, na pá wii təkpo. ² Mıpóyó İlam ləlyv tv Yehiyeli pəyalv Sekaniya təma Isətəlası sı: Tə pəntəna İso ké səsəm ke timpı tə kpaɣa alaa kpaí nyəma təyə. Paá na mpv tə İseyeli nyəma wεε na pá tεələyi. ³ İle pə wεε sı té su nəəsı ke İso isəntaa na té təyənı alaa mpe pa təna na pa piya. Tu təj layav nti nyana mpa í təhəyi İso kəsəsutv ke teu tə í tasa-tv təyə. Pə wεε sı té təkı İso kiiu ké. ⁴ Mpv tə, kulı na n təkı təm ntəyi niŋ naale. Ta səəlv puwa sı tu wεε nyá waalı, taa la sika.

⁵ Mıpóyó Isətəlası kulaa na í tə kətəlaa nyəyv nyəma na Lefii nyəma na İseyeli nyəma təna sı: İ su nəəsı sı í ká təj nti Sekaniya yəyətə tə. İləna pa təna pá su mpv. ⁶ Mıpóyó Isətəlası kulə İso təsεεε kataya taa na í polo İliyasipi pəyalv Yohananj te na í çaya. İ lanjε wakələna i taapalaa isayav səsəəntv ke katatələya, haləna í kisi təyənaya na ləm.

7 İlena pá heeli Yosalem na Yuta tətü təna taa sı mpa pa luna Papiloni tə, pá koti Yosalem. 8 Ye kuyeyə tooso tēwa na nəğəlv ta polo isü nyuyü nyəma na səsaa pa sıw tə, isü pa lēka püntü wənau təna na pá ləsi-ı lēlaa taa.

9 Kuyeyə tooso inı ı taa ké Yuta na Pəncamee apalaa pola Yosalem ke isətu pəğəlayafəi nyəğ kuyaku hiu nyəğku wule, na pá koti İso təsele katayə taa na pa təna pá seliyi təm nti tətə. Pəć pə kaası tēv təğə nuw tətə. 10 Mpuğvle İsətəlası kulaa na í tə-we sı: İseyeli nyəma mə, í krayav krai alaa mpe tə, í lapa isayətu səsəntü ké. İsayətu ke í səsəği tá yələa nyəntü tə. 11 Pənente pə wee sı paa wei í ná kawaləğə ğka ı lapa tá cəsənaa İso Tacaa tə, na í təkı ı luyü nyəntü na mənə tətü tənə tə nyəma í taa kaa pulv, na í kisi mə alaa mpe.

12 Ntəna kotilaa təna krentı na pá yəğətəna nəğə səsaya sı: Tampana ke n yəğətəa, tu la isü n yəğətuyü tə. 13 Pəyele tə we pəğale, anı pə ké yoluma ntə, pə fəi sı tə səğ ğpəğyü awalı. Pə kaası ıle pə tayə kuyaku kulümüyü yaa naale taa ké tá təm ká tayanı. Mpi tə, tá pəğale wenna tə taa. 14 Mpu tə, tá nyuyü nyəma í səğna İseyeli nyəma təna nəğə na pá sı mpa pa kraya krai alaa mpe təğə kuyaku ğku paa polo pá na pa acalēe səsaa na pə hūvlaa pa kiğ tə. İlena tē paasəna təm nti, haləna Tacaa həesi ı pááná səsəna ke tá tə.

15 Ğpəğyü pa təna pa mü təm nti. Ama Asayeli pəğəlv Yonatan na Tikifa pəğəlv Yasiya pa kisina. İlena Mesulam na Lefii tv Sapetayi pá seena pa tə. 16 Pa təna mpa pa luna Papiloni tə pa mü-təği mpu, ılena kətülv İsətəlası ləsi paa lülvü ğku kü taa ké nyəğə nyəma, na mpe inı pá cəğə isətu naanwa

nyəḡ kuyaku kancaalaya nyəḡku wule sı pa taɣanəyi təm nti tə təna. ¹⁷ M̄p̄ȳḡ pa tɛma kpaɪ alaa mpe pa təm huuu ke p̄naya naale nyəḡka ɪsətu kancaalaya nyəḡ kuyaku kancaalaya nyəḡku wule.

Yuta nyóma mpa pa kpaɣa kpaɪ alaa tə pa həla

¹⁸ Kətəlaa mpa pa kpaɣa cefelinaa təɣəle Yesuwa lɔlɔɣu nyóma na ɪ newaa, Yosataki p̄əyala, Maaseya, na Iliyesee, na Yalipi, na Ketaliya. ¹⁹ M̄p̄ȳḡ pa tisa na pá kisi pa alaa mpe na pá lá ɪsə kətaya ke ɪwaav na ɪsə huusi pa ɪsəɣatv.

²⁰ Imee lɔlɔɣu nyóma Hanani, na Sepatiya,

²¹ na Halim lɔlɔɣu nyóma Maaseya, Iliya, na Semaya, na Yehiyeli, na Usiya,

²² na Pəsehuu lɔlɔɣu nyóma Iliyohenayi, na Maaseya, na ɪsəmayeli, na Netaneyeli, na Yosapatı, na ɪlasaa.

²³ Lefii nyóma taa ka wɛ Yosapatı, na Simeyi, na Kelaya wei pa yaa tətə sı Kelita tə, na Petahiya, na Yehuta na Iliyesee.

²⁴ Yonyoola taa ké Iliyasipi. Nənəəsi taɲlaa taa ké Salum, na Telem, na Ulii.

²⁵ ɪseyeli nyóma lɛlaa taa ka wɛ Paləsi lɔlɔɣu nyóma, Lamiya, na ɪsiya, na Maləkiya, na Miyameɲ, na ɪlasaa, na Maləkiya, na Penaya,

²⁶ na ɪlam lɔlɔɣu nyóma, Mataniya, na Sakalı, na Yehiyeli, na Apəti, na Yeleməti, na Iliya,

²⁷ na Satu lɔlɔɣu nyóma, Iliyohenayi, na Iliyasipi, na Mataniya, na Yeloməti, na Sapati, na Asisa,

²⁸ na Pəpayi lɔlɔɣu nyóma, Yohanəɲ, na Hananiya, na Sapayi, na Atəlayi,

²⁹ na Pani lɔlɔɣu nyóma, Mesulam, na Maluki, na Ataya, na Yasupi, na Seyalı, na Yeleməti,

³⁰ na Pahatı-Mowarv lɔlvɔv nyəma, Atəna, na Kelalı, na Penaya, na Maaseya, na Mataniya, na Pəsələli, na Pinuwi, na Manasee,

³¹ na Halim lɔlvɔv nyəma, Iliyesee, na Isiya, na Maləkiya, na Semaya, na Simon,

³² na Pəncamee, na Maluki, na Semaliya,

³³ na Hasum lɔlvɔv nyəma, Matenayi, na Matata, na Sapatı, na Ilifeleti, na Yelemayi, na Manasee, na Simeyi,

³⁴ na Pani lɔlvɔv nyəma, Maatayi, na Aməlam, na Uveli, ³⁵ na Penaya, na Petiya, na Keluhu, ³⁶ na Faniya, na Meleməti, na Iliyasipi, ³⁷ na Mataniya, na Matenayi, na Yasayi, ³⁸ na Pani, na Pinuwi, na Simeyi, ³⁹ na Selemiya, na Natan, na Ataya, ⁴⁰ na Makənatəpayi, na Sasayi, Salayi, ⁴¹ na Asələli, na Selemiya, na Semaliya, ⁴² na Salum, na Amaliya, na Yosεεfv,

⁴³ na Nepo lɔlvɔv nyəma, Yeyieli, na Matatiya, na Sapatı na Sepina, na Yatayi, na Sowεeli, na Penaya.

⁴⁴ Pəne ini pə təna pə krayana əlaa krai nyəma, halı pə taa lələa na lula piya.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377